

li beni di foraussiti, che fo capitolato darli el quarto ogni anno de l'intrade loro, et a questo col Senato li respondemo siamo ben contenti, et digi a quella Catholica Maestà che sempre per el Cristianissimo re ne farà intender quando vorà mandar, nui zà fessimo elefion dil nostro, che fu sier Francesco da cha' da Pexaro, qual è in ordine; quanto aspeta dar li beni dil conte Hironimo Nogarola citadin vicentin, li dicemo questo in questa guera senza alcuna causa ne ha fato grandissimi mali, *tamen* per amor di Soa Alteza, quando si traterà le altre materie, si zercherà eatar qualche expediente sopra di questo; con altre parole, ma questa è la substantia,

*Etiam* una letera a l'Orator nostro in corte di Franza, si scrive in conformità, parli al Re e li mostri quanto si scrive di Spagna, *etiam* in risposta de la letera dil Catholico re, pregando Soa Maestà voy seriver al suo orator è qui, vadi a Verona come *alias* lo deputoe a far questo bon effecto.

*Item*, fo leto per Bortolamio Comin una letera composta per lui latina in risposta de la letera dil Catholico re, de la observantia sempre avemo portà a la caxa di Austria e a li soi progenitori, et quanto al conte Hironimo Nuogarola ha fato in questa guera mal officio, pur zercheremo far etc., sicome per el nostro Orator apresso Soa Maestà li sarà exposto; con altre parole; la qual letera fu ben composta et ha dil grave.

Et andò in renga sier Zorzi Emo el procurator, e disse non era tempo di mandar questa letera per esser mudà el mondo e fato el re Catolico Imperador, e di gran Re che l'era è fato grandissimo; per il che saria bon captar benevolentia con lui seriverli una letera congratulatoria, e far de nomination di Oratori e congratularsi de la electione e no parlar di foraussiti e di Hironimo da Nogarola al presente; ma questa letera saria stà bona averla scritta zà zorni 15. Li rispose sier Alvise da Molin procurator, savio dil Consejo, era in setimana, dicendo non è da corer a furia per non dar sospeto al re Christianissimo che non havemo altri con chi apuzarsi se non a quella Maestà, perchè *de facili* se potria far un'altra liga di Cambrai, e come staria questo Stado? laudando la letera si scrive, qual si farà antidata etc.

Poi sier Gabriel Moro el cavalier provedador al Sal andò in renga, dicendo el re Catholico è il primo Re dil mondo, e non bisogna meter tempo. El vol servar le trieve fate per suo avo con nui e adesso volemo tratar de farle; però saria bon acetar le trieve e sorzer, perchè la fortuna vien adosso questo Stado; con gran parole, *adeo* tutto el Consejo se

maravegliò de lui che voria corer in tanta furia a far trieve, senza rechiesta. Parlò poi sier Francesco Bragadin savio dil Consejo, et parlò sapientissimamente in risposta soa, dicendo molte raxon, non era da corer per non iritar Franza, laudando la letera. Disse era morto una badessa di Aquileja, e il capitano di Gradisea era andato lì e sforzà le monache a far una di Cremons, e l'hanno facta; poi ne tien le ville dil Friul et altri lochi nostri, però bisogna questi deputati siano insieme a conzar le cosse.

Andò le letere, ave 163 de sì, 12 de no, . . non sincere. Fu presa. Et fato far le letere, et spazate in questa sera, et comandà grandissima credenza e sagramentà el Consejo. *Tamen* era in Pregadi sier Tomà Michiel qu. sier Piero XL criminal, qual è fradelo de la mojer dil prefato conte Hironimo de Nogarola, che *de jure* dovea esser cazado.

Fu posto, per li Savi, atento fusse termenà, per Colegio, dar *solum* una paga a fanti 20 sono in Cividadi di Friul, et al presente è necessario tenirli, però sia preso che domino Bernardin Orio el cavalier, qual è capo de ditti fanti, li sia balotà la paga, et eussi *successive* di tempo in tempo, fino altro sarà termenà per questo Consejo. Fu presa, ave 163 de sì, 14 de no.

Fu posto, per li Consieri, essendo stà electo sier Antonio Justinian el dotor savio dil Consejo, qual se ritrova Orator nostro in Franza, senza alcun salario, è ben conveniente far in lui quello in molti altri è stà fato, *videlicet* li sia riservà a poter intrar zonto el sarà de qui e star Savio dil Consejo per mesi 6, e in questo mezo se fazi uno altro Savio dil Consejo in loco suo. Fu presa, 162 de sì, 21 di no.

Fu tolto el seurtinio di Savio dil Consejo, tolti numero 9, solo uno con titolo, sier Marco Minio, qual è ambador al Summo Pontefice, el resto senza titolo; ma non fono balotati, perchè se intrò in altro.

Fu posto, per sier Piero Zen, sier Andrea di Prioli savi sora la merchadantia, che atento el vgnir in questa cità cenere de la Cantara et Cartageinia con danno de le cenere vien di Levante, però sia preso che dite cenere, venendo, pagi cotimo di Damasco di zercha ducati 6 per mier; con altre clausole *ut in parte*.

Et sier Tomà Mozenigo di sier Lunardo, uno di provedadori sora la merchadantia, contradise a dita parte, dicendo questa di soi colega è ben particular di quelli hanno a far al viazo di Soria e non dil publico; et fe' lezer una parte, che mete sier Marin da Molin e sier Tomà Mozenigo predito, che dite cene-